

20.10.2017.



U Goraždu je danas održana svečanost potpisivanja Ugovora o poslovnoj saradnji između Vlade Bosansko-podrinjskog kantona Goražde i „Bosna bank International“ d.d. Sarajevo o plasiranju linije finansiranja, uz subvencioniranje dijela profitne marže za privredna društva i obrtnike koji posluju na području BPK Goražde.

Ugovor su potpisali premijer Bosansko-podrinjskog kantona Goražde Emir Oković i direktor Sektora za poslovanje sa pravnim licima BBI banke Edin Brkić.

Premijer Oković danas je još jednom iskazao zahvalnost Ministarstvu privrede Kantona Sarajevo koje je podržalo uspostavu ove kreditne linije, kao i zadovoljstvo što će privrednicima i obrtnicima s područja BPK Goražde biti omogućeno da po veoma povoljnim uslovima dođu do finansijskih sredstava za potrebe njihove privredne djelatnosti.

